

## Францин кўч-кўлсчнр эврәннь зёвин төлә ноолдлгъан чанъгъаджана

ПАРИЖ, июлин 18. (ТАСС). Суулин цагт Францд эд-тавр зогсл уга ўнтәрлгънәс кўлтә болджах буцлгъна джисән улм делгрдж икдв. Банкд церглдг улс, газовой болн электрическ промышленностин кўдләчнр, наадк халх промышленностин кесг олт предпрятъсин кўдлмшчнр болн цергләчнр кўдлмшт гарл уга буццхав. Эврәннь материалн бәәдл-джиргъл ясрулхиг тедн некцхәджәнә. Банкд кўдлджәх улсин делгү буцлгън берк гидг ницнъгъү кевәр кегддж йовна. Банкд кўдлцхәдг улсин джалв икдүлхд мөнъгнә халх министрств эс зёвшәрснд хәрү өгч, банкин гардгч улс буцлгънд орлцв. Келн-әмтнә буцлгъна комитетин тоогъар болхла, орн-нутгин кесг райодар банкин кўдләчнр цуттан гилтә буцлгънд орлцдж йовцхана. Оцклдүр Парижд болсн кесг олт-күн орлцсн митингт

буцджах улс „диилвр бәртлән ноолдхмн“ гисн шиидвр нег дуугъар авцхав.

Францин газовой болн электрическ промышленностин кўдләчнрин буцлгън ахр цагт болцхав. Эн кўдләчнр бас джалв икдүлхиг некджәцхәнә.

Социалн страхованә органст кўдлцхәдг улсин Парижд болсн митингт, кемрджән джалв өддүлхиг болн амрлгънд гарсн цагт өгдг дөнъгиг икдүлхиг бурушасн цагт „талдан хаалгъар чигн, буцлгъиг орлцулад ноолдхвдн“ гидж эздүдт болн правительствд урдаснь медүлдж келджәх шиидвр авб.

Багъ гихдән эрк биш өгдг джалвиг өддүлхин туск төр хәләдж хагълхин эркд коллективн бооцана ах комисс бачмар хурахиг некджәх герчлгъиг эндр кўч-кўлснә делгү Федерацин конфедералн бюро барлдж зарлв.